

鐵嶺縣志卷十七

慈善

無所爲而爲者曰天理有所爲而爲者曰人欲自然之慈善無所爲而爲者也有心之慈善有所爲而爲者也然此可以語邦之士大夫不可以語今世一般之衆徒三代以下之人惟恐不好名旨哉言也芸芸有衆苦者恒多水旱災祲何時蔑有拯救之扶助之純任自然非即所謂有不忍人之心者乎孟子之言曰今人乍見孺子將入於井皆有怵惕惻忍之心非所以內交於孺子之父母也非所以要譽於鄉黨朋友也非惡其聲而然也此即無所爲而爲者也天理也彼放生持齋造佛立塔者流乃於人欲之外別闢一途又出於有所爲而爲之之下不獨無

關於世道人心而實賊之不自知覺世人不察謬謂可入慈善之類在昔曾有以帝王之尊捨身佛寺茹素戒殺終不免滅國辱身餓死臺城愚蒙之態可哀可憫鐵嶺之慈善不如是也志慈善

鐵嶺縣志卷十七

慈善

孤貧院

鐵嶺官設孤貧院在南門外一般殘廢年老無告者收入焉其額未詳按月由倉房司官倉者倉米羨餘項下撥與倉米恤養之並設頭目一人管理之此官辦慈善也有清二百六十餘年列入行政民國成立後廢之其地址亦由官丈放

柴河善橋

清同治八年邑人王鍾嶽因柴河於封凍解凍之時行人裹足自出秫糶及木料築橋於龍首山下以便行人冬築夏拆歷有年所王故後糧

鐵嶺縣志

卷十七 慈善

二

鐵嶺縣立第一工科印

商世有號財東楊生春繼之拳匪之亂楊他徙橋亦廢光緒三十二年商會成立經商會又建橋於柴河之北渡口宣統二年城廂自治會成立經城廂自治會又添造渡船一隻四時遂均無病涉之患焉

公共墓地

清同治十三年鐵嶺知縣文景因本地僑民日多凡有死亡無處埋葬在龍首山西麓圈地一塊約二十畝作公共墓地凡旅居者貧者皆得埋葬之至民國七年該處葬滿已無隙地經邑人又在舊地迤西山坡間購地三十畝接續辦理兼寓不沒前人之善焉

施種牛痘

清光緒二十六年醫士張承甲自備經費施種牛痘稟准旗民兩署備

案並在旗署門前隙地建房設局以便施種歷辦有年光緒三十二年警察成立設衛生局維時來種者日多恐難持久由警察衛生捐款項下按年津貼洋七十元以補助之至民國二年張醫士鑑於警欸支絀將津貼之項自請停止仍自行施種

義賑

宣統三年秋霖雨成災全境之田淹沒過半大饑適武昌起義蚩蚩愚氓惶惑不寧知縣徐麟瑞召集縣議事會城廂自治會合併條議辦法以賑濟之當經議定核准凡地方未被災之區每種地十畝之戶捐紅糧二升名曰額捐其不種地之戶與種地已納額捐外再行捐助者名曰特捐又由縣署撥給罰欸洋七十二元西三鄉募集洋二十元縣議

鐵嶺縣志

卷十七 慈善

三

鐵嶺縣立第一工科印

事會各議員捐助洋一百六十元再以額捐特捐各糧共得紅糧二千零三十五石七斗八升由縣知事商同兩級自治核訂放賑簡章由縣派妥實人員偕同各鄉董佐等照章發放以極貧次貧大口小口爲準計極貧災民大口共五千四百五十七人每人二斗計糧一千零九十一石四斗小口共二千五百二十三人每人一斗計糧二百五十二石三斗次貧災民大口共四千二百八十七人每人一斗二升計糧五百四十四石四斗小口共一千八百八十七人每人六升計糧一百十三石二斗二升通共合糧一千九百七十一石三斗六升下餘糧六十四石四斗二升即以此數抵補斗耗實惠及民心大定縣自治議事會議長福珠隆阿又自行捐糧一百石

施診

民國三年夏大疫佛教會籌款施診所凡窮困無力醫治者悉由該所療治之醫士丁壽椿劉寶善李麟閣任施診之責每日早九鐘至晚二鐘爲診治時間應用藥品病者自購

募糧賑災

民國六年六月大水較宣統三年尤甚縣知事陳藝携同紳耆在城內設賑務局分頭勸募共募洋

元公推幹事數人購紅糧小米

石計人發放按賑災不賑貧辦法俟款不虛糜人受實惠是年九月間上海賑災救濟會匯到洋五千元棉衣一千九百件一並派員按各災區發放焉

鐵嶺縣志

卷十七 慈善

四

鐵嶺縣立第一工科印

粥場

民國十四年冬因郭松齡之亂道塗隔絕凡北去南旋之難民咸萃於此縣知事高公乃濤募款二千餘元購糧一百餘石借西關營部空房設立粥場一日兩餐活人甚夥由十月一日起至次年二月一日止亂定時和一班難民行者亦將就道止者亦易謀生隨即結束十五十六兩年因冬季難民覓食匪易仍如前辦理而施糧者日衆且有不露名者從此每至冬季貧民視爲常例矣十七年冬縣長黃公世芳以此舉民命攸關不可中斷正擬籌款續辦適有邑南小河口住民張獻之稟稱民人曾在附近各處勸募紅糧一百五十石預備設場煮粥以食貧者惟願在人烟稠密處所設立庶就食者多而且便未敢擅便懇請指

示縣長黃公以該民惠愛爲懷當即嘉獎准如所請遂委人在城內北關糧市場設立粥場一切辦法悉仿從前十八年亦如之其粥糧仍由張君勸募

助欸興學

邑東關附生張希齡性情長厚不伎不求人多稱之光緒季年病卒遺囑捐東錢一萬緡作興學之用嗣由勸學所支配用此欸津貼東關女子兩等小學

道士修嶺

邑有劉道士者不知其名人皆以劉老道呼之年五十許蓬首鶉衣凡道路橋梁有阻碍者必親爲修治且必修治盡善而後已數十年如一

鐵嶺縣志

卷十七 慈善

五

鐵嶺縣立第一工科印

日邑西北關各石橋均其成績也最著者東關龍首山下小嶺子爲邑東各村屯往來必經之路其嶺東面巨石陡起偏仄而峻車馬往來脫輻傷人之事時有所聞民國十五年春劉道士隻身修治雖狂風烈日工作不懈經年竣事將中間巨石剷除淨盡遠近之人無不鑑其誠而感其德如劉道士者可謂好善不倦而具移山之力矣